



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-158-2/23**
Datum: **24.04.2023. godine**

«Agencija za vodno područje rijeke Save» Sarajevo, rješavajući po zahtjevu pravnog lica JP «Elektroprivreda BiH» d.d. Sarajevo – Podružnica «Elektrodistribucija» Zenica za donošenje rješenja o vodnoj saglasnosti za ukrštanje priključnih 10(20) kV kablova sa rijekom Usorom, a u svrhu stvaranja tehničkih uslova za priključenje na elektrodistributivnu mrežu «ENERGY TRADE» d.o.o. Usora u naselju Jelah, općina Tešanj, na osnovu 109. stav (1) tačka 10. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), **d o n o s i**

R J E Š E N J E **o vodnoj saglasnosti**

1. Pravnom licu, JP Elektroprivreda BiH d.d. Sarajevo – Podružnica «Elektrodistribucija» Zenica, daje se vodna saglasnost za ukrštanje priključnih 10(20) kV kablova sa rijekom Usorom, a u svrhu stvaranja tehničkih uslova za priključenje na elektrodistributivnu mrežu «ENERGY TRADE» d.o.o. Usora, na zemljištu označenom kao k.č. 353/2, 343 i 378 K.O. Miljanovci Donji i k.č. 953/1 K.O. Jelah, općina Tešanj, a na osnovu projektne dokumentacije:
 - Elaborat polaganja 10(20) kV kabla u cestovnom pojasu magistralne ceste RP-474, polaganje kablova mostom preko rijeke Usore, te uz korito rijeke Usore na k.č. br: 353/2 i 343 K.O. Miljanovci Donji, a radi priključenja na elektrodistributivnu mrežu KTS „ENERGY TRADE“, opština Tešanj, urađen od Institut za građevinarstvo «IG» d.o.o. Banja Luka, mart 2023. godine.

Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.

2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Vodna saglasnost se donosi na osnovu pregleda dostavljene projektne dokumentacije iz tačke 1. ovog rješenja, utvrđenog činjeničnog stanja i pod sljedećim uslovima:
 - 3.1. Sve radove na polaganju 10(20) kV kabla izvesti u skladu sa ovjerenom projektnom dokumentacijom iz tačke 1. ovog Rješenja.
 - 3.2. Tehnologiju izvođenja radova u obalnom pojasu vodotoka prilagoditi uslovima na terenu uz odgovarajuća osiguranja ljudi i materijalnih dobara.
 - 3.3. Da se tokom izvođenja radova provedu sve potrebne mjera zaštite kako ne bi došlo do erozionih procesa u koritu i obalnom području vodotoka ili do pogoršanja kvaliteta vode.
 - 3.4. U toku radova, iskopani materijal i otpad se ne smiju ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.5. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obala i korita vodotoka, pogoršanje kvaliteta vode i dr).
 - 3.7. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.

4. Ukoliko se izvođenjem radova na polaganju 10(20) kV kabla ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. Po završetku izgradnje predmetnih radova i obavljenog tehničkog pregleda izvedenih radova, korisnik vodne saglasnosti će shodno članu 115. Zakona o vodama zatražiti izdavanje vodne dozvole, a prije pribavljanja odobrenja za upotrebu objekata. Zahtjev se dostavlja u skladu sa članom 12. stav (3) i članom 19. stav (2) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22).
6. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na izgradnji priključnog dalekovoda u skladu sa projektnom dokumentacijom iz tačke 1. dispozitiva ovog rješenja.
7. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice JP «Elektroprivreda BiH» d.d. Sarajevo – Podružnica a «Elektro distribucija» Zenica obratilo se dana 14.04.2023. godine ovoj Agenciji sa zahtjevom za donošenje rješenja o vodnoj saglasnosti za ukrštanje priključnih 10(20) kV kablova sa rijekom Usorom, a u svrhu stvaranja tehničkih uslova za priključenje na elektrodistributivnu mrežu «ENERGY TRADE» d.o.o. Usora, na zemljištu označenom kao k.č. 353/2, 343 i 378 K.O. Miljanovci Donji i k.č. 953/1 K.O. Jelah, općina Tešanj.

U provedenom postupku dostavljena je i pregledana sljedeća dokumentacija:

- Ovjerena kopija Rješenja o izmjenama podataka broj: 065-0-Reg-21-003359 od 21.09.2021. izdatog od Općinskog suda u Sarajevu,
- Ovjerena kopija Uvjerjenja o poreznoj registraciji izdatog dana 15.07.2004. godine od Porezne uprave Federacije BiH - Kantonalni ured Sarajevo,
- Ovjerena kopija Uvjerjenja o registraciji obveznika poreza na dodanu vrijednost broj: 04/5-1/IV-17-1-5684-6131/05 od 12.11.2005. izdatog od Uprave za indirektno-neizravno oporezivanje Banjaluka,
- Dokaz o uplaćenju upravnoj taksi,
- Kopija Rješenja o urbanističkoj saglasnosti, broj: 06-19-1-3646/22 od 06.03.2023. godine izdatog od Službe za katastar, urbanizam i imovinsko-pravne poslove Općine Tešanj,
- Kopija Rješenja o prethodnoj vodnoj saglasnosti broj: UP-1/21-1-40-642-6/22 od 06.02.2023. godine izdatog od «Agencije za vodno područje rijeke Save» Sarajevo,
- Elaborat polaganja 10(20) kV kabla u cestovnom pojasu magistralne ceste RP-474, polaganje kablova mostom preko rijeke Usore, te uz korito rijeke Usore na k.č. br: 353/2 i 343 K.O. Miljanovci Donji, a radi priključenja na elektrodistributivnu mrežu KTS „ENERGY TRADE“, opština Tešanj, urađen od Institut za građevinarstvo «IG» d.o.o. Banja Luka, mart 2023. godine.

Na osnovu uvida u dostavljenu dokumentaciju utvrđeno je sljedeće:

- Projektovani priključni (10(20) kV kablovi i susretno srednjenaponsko postrojenje se grade u svrhu stvaranja tehničkih uslova za priključenje na elektrodistributivnu mrežu proizvođača ENERGY TRADE d.o.o. Usora.
- Trasa kabla je planirana paralelno duž lijeve obale rijeke Usore sa prelaskom preko rijeke kroz kablovsku kanalizaciju ugrađenu u most (k.č. 378 K.O. Miljanovci Donji i k.č. 953/1 K.O. Jelah), a potom nastavljaju u trasi lokalnog makadamskog puta.
- Polaganje kabla duž obale rijeke Usore je planirano uz lokalni put koji se priključuje na regionalnu cestu RP-474 i obuhvata pazele označene kao k.č. 353/2 i 343 K.O. Miljanovci Donji. Rastojanje između ivice korita i kabla nije manje od 7 m.
- Projektna dokumentacija je urađena u skladu sa uslovima iz prethodne vodne saglasnosti izdate od ove Agencije.

Urbanističke uslove za izgradnju predmetnog objekta, podnosiocu zahtjeva je kroz izdato Rješenje o urbanističkoj saglasnosti propisala Služba za katastar, urbanizam i imovinsko-pravne poslove Općine Tešanj.

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-1/21-1-40-642-6/22 od 06.02.2023, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju: Elaborat polaganja 10(20) kV kabla u cestovnom pojasu magistralne ceste RP-474, polaganje kablova mostom preko rijeke Usore, te uz korito rijeke Usore na k.č. br: 353/2 i 343 K.O. Miljanovci Donji, a radi priključenja na elektrodistributivnu mrežu KTS „ENERGY TRADE“, opština Tešanj, urađen od Institut za građevinarstvo «IG» d.o.o. Banja Luka, mart 2023. godine., data vodna saglasnost na istu.

Na temelju utvrđenog činjeničnog stanja i dostavljene dokumentacije, a u cilju smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama članova 114. i 128. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata, propisani uslovi koje je investitor dužan ispuniti u toku predmetne gradnje.

Uzimajući u obzir naprijed navedeno, a shodno odredbama člana 114. Zakona o vodama i člana 7. Pravilnika o sadržaju, obliku, uslovima, načinu izdavanja i čuvanja vodnih akata riješeno je kao u dispozitivu ovog rješenja.

Podnosilac zahtjeva je uplatio upravnu taksu u iznosu od 60 u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta: Sanja Milčić, građ.ing.

Prilog:

- Ovjeren Elaborat polaganja 10(20) kV kabla u cestovnom pojasu magistralne ceste RP-474, polaganje kablova mostom preko rijeke Usore, te uz korito rijeke Usore na k.č. br: 353/2 i 343 K.O. Miljanovci Donji, a radi priključenja na elektrodistributivnu mrežu KTS „ENERGY TRADE“, opština Tešanj, urađen od Institut za građevinarstvo «IG» d.o.o. Banja Luka, mart 2023. godine

Po ovlaštenju
Rukovodilac sektora za izdavanje vodnih
akata

Haris Ališehović, dipl.inž.građ.



Dostaviti:

- «Elektrodistribucija» Zenica
Safeta Bašagića 6, 72000 Zenica (sa prilogom)
- AVP Sava, ISV-vodna knjiga
- ⊖ Sektor 40 – arhiva
- Oglasna ploča AVP Sava